

Ñan Jinen im Jemen Rijikuul eo ilo Kindergarten:

Karuwainene eok ñan kindergarten ilo Everett Public Schools (Jikuul ko an Kien ilo Everett). Auroktata eo ibbamim ej ejmour im kejbarek eo an ajiri eo nejum. Kin mennin, ewōr amim kumi in nōōj ro (registered nurses, RN) ewōr aer iminene in kapeel im rej lale jebal in ejmour ko ilo jikuul ko. Ebar wōr amim rijebal ro rej jibañ ilo jikin ejmour (health room assistants, HRA) ilo kajojo jikuul ko, im rej jebal iomwin nōōj (registered nurse), ñan aer lale aoleb aikuj ko ikijen ejmour an aoleb rijikuul. Aoleb ien ebojak RN eo ñan am bōk melele kin abnōnō ko ikijen ejmour im remaron walok. HRA ak manija in opij eo an jikuul eo emaron jibañ kōlaajrak juon ien am etal in kenono kin abnōnō in ejmour eo an ajiri eo nejum ibben RN eo.

Peba in Melele kin Nañinmij an Kajojo Yiō

Ñan loloorjak amim kejbarek ajiri eo nejum, kim aikuji juon Peba in Melele kin Nañinmij an Kajojo Yiō aoleb yiō in jikuul. Emōj likūt juon kabe ilo peba in kadeloñ etan rijikuul. Elab amim rōjañ am letōk jabdewōt melele in nañinmij ak abnōnō ikijen ejmour ilo peba in. Melele eo ilo peba in eban ajeeded im RN ro rej kōjebale ñan lale aikuj ko ikijen ejmour ñan ajiri eo nejum.

Ewōr ke an ajiri eo nejum nañinmij ekauwōtata ñan mour eo an?

Washington ej kōmelele juon "nañinmij ekauwōtata ñan mour" ej juon nañinmij ej likūt ajiri ilo kauwōtata in mij ilo raan in jikuul elañe ejab jejjet kūtien wūno ak kakien in kōmadmōd im juon bebe in jibañ in ejmour jen nōōj. Waanjoñok in nañinmij ko emōj watōke rekauwōtata ñan mour ekoba jabdewōt abnōnō eo aikuj epinephrine, wōrlōk, tōñal, im/ak nañinmijin dibbubub. Laajrakin melele kein ej mennin aikuj ko juon ajiri eo ewōr an nañinmij ekauwōtata ñan mour enaj kōjejjet kūtien mokta jen an maron jikuul, ekoba an kobalok ilo Everett Ready ilo Okwoj:

- Juon Peba in Kōmelim Wūno emōj an dedelok jain jen ibben taktō eo an ajiri eo, im/ak
- Juon Peba in Kōmelim Jibañ in Kōmadmōd emōj an dedelok im jain jen taktō eo an ajiri eo, im
- Juon bebe in jibañ in taktō jen nōōj emōj an dedelok im kōjenolok ñan ajiri eo nejum.
- Wūno ko emōj wōtari, iloan bato ak pakij ko an im jimwe jeje ko ie.

Ajiri eo neju aikuji wūno eo/ko ilo jikuul. Ta eo ij aikuji kōmmāne?

Iomwin wāween ko ekkā rej aikuji lelok wūno mokta im/ak alikin awa in jikuul ilo an jinen ak jemen ak rikejbarek lale. Emōj kōmelele wūno ej jabdewōt wūno jen taktō ak ejab jen taktō; ekoba wūno ko jemaron make wia, vitamin ko, kein kōmadmōd ko rej kōmman jen imōn jokwe, kein ekabit im/ak bineep ko. Renaj lelok wūno ilo jikuul wōt ilo ien eo elukkun aikuji. Elañe ewōr an juon rijikuul wūnin ikijen taktō emōj kamool im aikuji aer lelok wūno eo ilo awa in jikuul ko, jinen ak jemen/rikejbarek eo aikuji:

- Lelok juon Peba in Kakien ej Kōmelim wūno ñan ruum in taktō eo an jikuul.
- Lelok wūno eo emōj wōtare ilo bato ak pakij eo nien im ejimwe jeje ko ie.

Einwōt kein kōkememej, **reban lelok wūno ilo jikuul elañe mennin aikuji ko ijin loñ rejab tōbrak.**

Kim ej karuwainene an itōk jabdewōt kajitōk kin abnōnō in nañinmij im kim ej rōjañ am kebaak jikuul eo am elañe kwōkōnaan kenono ibben nōōj eo an jikuul eo am. Im bareinwōt, jouj im kōjellaik jikuul eo an ajiri eo nejum iloan yiō eo ikijen jabdewōt oktak ilo nombā in kebaak ak nañinmij ko.

Ilo kautiej,

Everett Public Schools (Jikuul ko an Kien ilo Everett) Kumi eo ej Lelok Jibañ ko ikijen Taktō